



UNIVERSITÄTS-  
BIBLIOTHEK  
PADERBORN

## **Theologia Polemica**

**Burghaber, Adam**

**Fribvrgi Helvetiorvm, 1678**

IX. An Spiritus sanctus sit Deus: & à Patre Filioque procedat?

---

[urn:nbn:de:hbz:466:1-72462](#)

næ, est Filius DEI Naturalis, per æternam scil. generationem; cum neque natura illa humana habeat aliud suppositum præter Filium DEI Naturalem: neque illud suppositum ex eo, quod terminet naturam humanam, definat esse Filius DEI Naturalis. Si vero reduplicetur natura, ut sensus sit, Christus secundum naturam humanam est Filius Dei naturalis, ita ut humanitas spectet ad hunc Conceptum Filij, tunc controversum est inter Recentiores, an Christus, quæ homo, dicendum sit Filius DEI naturalis? Negat post nonnullos Card. de Lugo de Incart. D. 31. n. 21. Affirmat cum pluribus alijs Ariaga itid. de Incarnat. D. 45. Sect. 2. Subs. 2. pōens in Christo duas Filiationes naturales; unam æternam ratione æternæ Processionis: alteram temporalem ratione Incarnationis fundatam in unione hypostatica, & de cuius conceptu sit ipsa Humanitas, ita ut concretum ex Humanitate & Personalitate Verbi importet novam istam & temporalem Filiationem. Fundamentum hujus doctrinæ, quam amplectimur, est; quia Christus ut homo est hæres Regni. Ergo & Filius; siquidem hæc duo sunt inseparabiliter connexa; non autem est filius adoptivus, cum non sit extraneus, sed conjunctus Deo. Ergo erit naturalis (quia conjunctio illa seu processio est primarium ac distinguitum filij naturalis ab adoptivo) & quidem respectu totius SS. Trinitatis, quia intuitu hujus est hæres, & ab illa Sanctificatur efficienter, atque cum eadem tota SS. Trinitate saltem mediate conjungitur.

XXIV. Non obstat Concilium Toletanum II. in confessione Fidei, & D. Thomas 3. part. q. 32. art. 3. Nam loquitur tam illud, quam iste solum de ipsa Persona; quæ est unita humanitati, dum ambo afferunt; eam non posse dici filium Spiritus Sancti, aut totius SS. Trinitatis: de humilitate autem seu reduplicatione illa Christi, in quantum homo est, nihil decernunt, sicuti nec Concilium Francofurtense, nec Hadrianus Papa de ijdem reflexionibus quicquam egerunt; sed, ut diximus, solum de ipsa increata persona Verbi: non vero de filiatione ab humanitate proveniente. Dicant nunc Novatores, quid in hac Catholicorum doctrina commune fit cum errore Felicis Urgelitani & Elipandi? & si ostendere nihil possunt, erubescant & omittant calumnias suas.

## CONTROVERSIA IX.

### AN SPIRITUS SANCTUS SIT verus Deus: Et à Patre Filioque simul procedat?

Spiritus Sanctum esse verum Deum Aequaliter Patri ac Filio, negaverunt ijdem hæretici, qui Christi Divinitatem negare ausi fuerunt. De Ejusdem S. Spiritus Processione acerrima lis saepe fuit, atque etiamnum est inter Ecclesiam Latinam & Græcam. Ut igitur Catholicam doctrinam rite percipiamus, omnemque opinionem non-Sanctam de Sancto Spiritu amo-veamus. Sit

IHS. ☩  
∅:o: ☩

## PARS PRIOR.

### DOCTRINÆ CATHO- LICORUM.

I. **D**octrina prima. Spiritus Sanctus est Verus DEUS. Ita omnes Catholici. Probatur I. ex Sac. Scriptura i. Act. 5. v. 3. hæc habentur: *Dixit autem Petrus: Anania, cur tentavit Satanás cor tuum mentiri te Spiritui Sancto: non es mentitus hominibus, sed Deo.* Ergo Spiritus S. est Deus, ut ex hoc loco D. Athanas. lib. de communī Essentia Divinitatis Patris & Filij ostendit. & D. Gregor. Nazian. orat. 5. de Theol. aliquæ Patres committunt. i. ad Corinth. 3. v. 16. *neficit,* inquit Apostolus, *qua Dei templum estis, & Spiritus Dei habitat in yobis?* Si quis autem templum Dei violaverit, disperdet illum Dominus. *Templum enim Dei Sanctum est, quod vos estis.* Et cap. 6. v. 19. *An neficit quoniam membra vestra Templum sunt Spiritus Sancti qui in nobis est;* & subiungit mox v. 20. *glorificate & portate Deum incorpore vestro, quem Deum?* querit S. August. Epist. 66. nisi Spiritum Sanctum, cuius corpora vestra dixerat esse templum: nec verò ultra creatura in nobis tahquam in templo habitat; *aliоquin dico,* inquit Athan. in Dialog. de Trinit. contra Anomios, ubi tandem in Script. dicatur Propheta vel Apostolus vel in genere homo quispiam templum Angeli vel ultius rei creare? I. Joan. 5. v. 7. *Tres sunt qui testimonium dant in Cœlo, Pater, Verbum, & Spiritus S.* & hi tres Unum sunt. Unde si argui potest: Qui habet unam cædémque Naturam cum Patre & Filio, Deus est. Spiritus S. juxta prædicta verba habet unam cædémque Naturam cum Patre & Filio. Ergo Deus est.

II. Probatur 2. ex communī sensu Cathol. & testimonio PP. qui in primis disertis verbis passim afferunt, Spiritum S. esse Deum æquè ac Patrem & Filium. Deinde plerique illorum integris libris Divinitatem Spiritus S. expresse defendunt, ut Athanas. Basilius; Nazianenus, Cyrillus Alexandrin. Hilarius, August. &c. Deum summam esse impietatem consentent, non credere, Spiritum Sanctum esse Deum, & ijs, qui id non credunt, gravissimis penitentia maledicunt; qui, inquit Athanasius Epist. ad Serapion. *Spiritus S. ad creaturas dehabit, impius est, & sine Deo, & infidelis deterior, & quidvis potius, quam Christianus.* Similia habent Nazianenus, Basilius & alij.

III. Probatur 3. ex eo, quod Spiritui S. adscribantur opera Dei v. g. *creare: psal. 103. v. 30. Sanctificare:* I. ad Corinth. 6. v. 15. *Suscitare à mortuis:* ad Rom. 8. v. 11. *esse ubique Sapient.* I. v. 7. *Justificare:* I. ad Corinth. 6. v. 11. *Gubernare Ecclesiam ex principali quadam potestate, sicut Pater & Filius* Act. 20. v. 28. ibidem cap. 13. v. 2. *rursus cap. 15. v. 28. Distribuere dona Spiritualia in Ecclesia:* I. ad Corinth. 12. v. 11. *deum Sacraenta non conferrentur in Nomine Spiritus Sancti, nisi Deus est,* uti tamen fit v. g. in Baptismo ex iussu Christi Math. ult. v. 19. *Baptizantes eos in Nomine Patris, & Filij, & Spiritus Sancti.*

IV. **D**octrina secunda. Spiritus Sanctus procedit à Patre & Filio simul. Ita quoque Catholici omnes. Et quidem à Patre procedere, ulro admittunt Græci, habeturque Joan. 15. v. 26. *Spiritus, qui à Patre procedit.* Eundem à Filio procedere, licet

re, licet Sac. Scriptura non ita claris terminis pronat, tamen ea fundamenta ponit, ex quibus efficaciter deduci queat. Probatur itaq; 1. Joan. 16. v. 7. ait Christus : *Expedit vobis, ut ego vadam; si enim non abierto Paracletus non veniet: si autem abierto, mittam eum ad vos.* Et deinde v. 13. & seq. cum autem venerit ille Spiritus veritatis, docebit vos omnem veritatem, non enim loquetur a semetipso, sed quaecunque audiet, loquetur, & ea, quae venitura sunt, annunciat vobis; ille me clarificabit, quia de meo accipiet, & annunciat vobis, omnia quaecunque habet Pater, mea sunt, propterea dixi, quia de meo accipiet, & annunciat vobis. Unde sic argumentamur : Si Spiritus Sanctus Scientiam accepit à Filio, & ab ipso missus est in mundum, tipicab eo substantialiter processit. Sed verum est autecdens. Ergo & consequens Minor patet ex adductis locis Sac. Scripturæ : Sequela Majoris probatur quoad primam partem. In Divinis Scientia Dei re ipsa eadem est, quæ Essentia Dei, & impossibile est, ut una Persona divina ab altera habeat vel accipiat Scientiam, nisi ab eadem etiam habeat Essentiam, adeoque ab ista procedat. Probatur quoad alteram partem in divinis nulla Persona propriè mitterit, nisi ab ea, à quâ procedit, ut habet S. August. lib. 4. de Trinit. cap. 2. Quapropter nec Filius Spiritum Sanctum mittere potuisset, nisi ab eodem procederet. Ad Rom. 8. v. 9. Spiritus S. vocatur *Spiritus Christi*, quod repetitur ad Hebreos 1. v. 10. & ad Gal. 4. v. 6. Unde sic arguimus : Spiritus Sanctus vocatur in Sacra Scriptura fréquenter Spiritus Patris, quia ille ab hoc procedit. Ergo etiam locis adductis vocatur Spiritus Christi, quia ille ab isto quoque procedit. Plura loca Sac. Scripturæ refert & expendit Valentia in 1. P. Q. 10. Disp. 2. Punta. 2. & alij Theologi.

V. Probatur 2. ex Concilij & PP. quorum testimonia fùse adducit cit. Auctor, & post ipsum Tanner in 1. P. D. 4. Q. 4. dub. 5. Sufficit nobis Symbolum Nicenum, prout dudum ante annos scilicet plusquam quingentos ob Græci palam jam grassantis schismatis detestationem publicè in tota Ecclesiâ Latina decantari cepit : his verbis : *Credo in Spiritum Sanctum Dominum & Vivificantem, qui ex Patre Filioq; procedit.* Item Symbolum D. Athanasij ab universa quoque Ecclesia recitari solitum, in quo hæc habentur : *Spiritus S. à Patre & Filio non factus nec genitus, sed procedens; hæc autem additione fuisse idem Symbolum depravatum, tam perspicua est calumnia Græcorum, quam parvum ullo indicio antiquioris exemplaris eam comprobare possunt. An non etiam alij PP. Latini idipsum aperte docent ? v. g. August. lib. 15. de Trinit. cap. 5. sic scribit : Sicut habet Pater in semetipso, ut de ipso procedat Filius, sic dedit Filius, ut de ipso procedat Spiritus Sanctus.* Cur ergo Athanasius, non Augustinus fuerit depravatus, cum idem uterque doceant ? videantur cit. Auctores.

VI. Probatur 3. Ratione : Quod procedit ex mutuo amore duorum, id ab utroque procedit amante. Atqui Spiritus Sanctus procedit ex mutuo amore duorum, scilicet Patris & Filii. Ergo ab utroque amante, Patre videlicet & Filio procedit. Major patet ; quia non est ratio, cur potius ab uno quam ab altero procedat, cum æqualis sit utriusque amor æquè fervens & vehementis. Minor probatur ex communi Doctrina Patrum, quod Spiritus Sanctus sit terminus di-

vini amoris, sicut Filius est Terminus divinae Intellektionis, & ideo vocatur Spiritus, quasi Anhelitus ; Amor enim metaphorice dicitur spiratio ; quia sicut halitus ex corde hominis procedit, ita amor ex voluntate in objectum tendit, & illud quasi efflat ; Amor autem seu Anhelitus iste necessario est inter duos, nempe in proposito inter Patrem & Filium, à quorum secunda Voluntate divina, quæ in utroque exigit esse, procedit Spiritus Sanctus. Unde confirmatur hæc probatio 1. Pater spirat, quia habet voluntatem secundam, seu vim spirandi. Sed hanc eandem etiam habet Filius, antequam producatur Spiritus Sanctus. Ergo Spiritus Sanctus non tantum à Patre, sed etiam à Filio producitur. Confirmatur 2. De vi Spirativa eodem modo loquendum est, ac de creativâ. Sed hæc communicatur Filio prius quam Patet creer. Ergo & illa. Ergo sicut Filius acceptâ vi creativâ cum Patre creat, ita acceptâ vi spirativâ cum eodem spirat. Ergo tam ab hoc, quam ab illo procedit Spiritus Sanctus.

VII. Hinc breviter deducitur 1. Spiritum Sanctum à Patre & Filio procedere tanquam ab uno Principio Spirandi. Ita definitur in Concilio Lugdunensi, & refertur in Capitul. unico de summa Ttinit. in 6. per verba hæc : *Fideli ac devotâ professione fatemur, quod Spiritus Sanctus eternaliſter à Patre & Filio non tanquam principis, sed tanquam ex uno principio : non duabus spirationibus, sed una spiratione procedit ; Id quod ratione sic suadetur. Potentia spirativa includit volitionem & Relationem spiratoris. Sed hæc est eadem in Patre & Filio. Ergo est eadem utriusque potentia & principium spirandi.*

VIII. Deducitur 2. Spiritum Sanctum, ut est talis Persona, postulare à duobus procedere, in quibus existat virtus Spirativa ; quia Spiritus S. de facto procedit à Patre & Filio, ut est amor, ut nexus, ut vinculum utriusque ; sic enim loquuntur SS. PP. August. Lib. 6. de Trinit. cap. 5. Hieron. Bernard. & alij apud Vaquez de Trinit. D. i. cap. 1. Ergo petit connaturaliter procedere à duabus personis invicem amantibus.

IX. Deducitur 3. Si Spiritus S. per hypothesin impossibile non procederet à Filio, sed à Solo Patre, tunc à Filio non distinctum iri, ut contra Scotistas communiter docent ceteri Theologi ex recepto illo axiomate : *Omnia in divinis sunt unum, ubi non obviat relationis oppositio.* Atqui nulla tunc obviaret Relationis oppositio inter Filium & Spiritum Sanctum ; quia unus alterum non produceret. Ergo &c.

X. Dicunt contra ultimum corollarium. De facto datur distinctio realis in divinis sine oppositione Relativa. Nam Paternitas & Filiatio de facto distinguuntur realiter à Spiritu Sancto, & tamen non opponuntur ei relativè ; etenim opponitur sic eidem solum spiratio activa, & in concreto Spirator. Respon. Filiationem etiam, prout distinctam à spiratione activa, opponi Professioni Spiritus Sancti, sed mediate solum & implicitè ; quia Filiatio, licet non sit Spiratio activa, est tamen hujus receptio actualis. Atqui Spiritui Sancto opponitur Spiratio activa. Ergo & receptio ejusdem ; quippe nequit receptio spirationis activæ esse in eo, cui repugnat esse spiratorem. Cum ergo Filiatio, quæ de facto est, sit acceptio Spirationis activæ, clarum est, saltem

tum mediatae eam opponi Spiritui Sancto. Sed de hoc Scholaftici.

## PARS POSTERIOR.

## ERRORES HÆRETICORUM.

## XI.

**E**rro primus est. Non solum veterum hæreticorum, qui Filium negarunt esse Deum, sed etiam aliorum ex Arianiis, qui, cum Filium deinde faterentur Patri esse consubstantialem, contendebant tamen, Spiritum Sanctum non Deum, sed Filij creaturam esse, quod etiam senserunt Macedonius & Eunoemius; unde vox Arianiorum, Eunomianorum, & Macedonianorum erat, Spiritum Sanctum non verum, sed peregrinum & adscriptum Deum esse, ut refert Greg. Nazian. Orat. 5. de Theol. Valentinus somniauit, Spiritum Sanctum esse Angelum quendam, quod somnium etiam placuit Serveto, quibus hæreticus videtur aliquoisque consentire Erasmus in præfatione ad Libros Hilarii ita scribens: *audemus spiritum S. Deum appellare, quod veteres non sunt ausi.* Loci Sacrae Scripturæ, quibus male intellectis videntur in hac falsitatem inducti, sunt præcipue isti.

**XII. Primus.** Ad Rom. 8. v. 22. dicitur: *Spiritus S. postulat pro nobis gemiibus inenarrabilibus.* Secundus Joan. 17. v. 3. Christus non addidit aliquid de Spiritu S. quando dixit: *hec est vita eterna, ut cognoscant Te solum Deum verum, & quem misisti Iesum Christum.* Tertius. Amos 4. juxta LXX. Interp. v. 13. dicitur: *Ego Dominus formans tonitru & creans Spiritum.* Quartus. Nomen Spiritus non reperitur in veteri Testamento; vel si reperiatur, non Deum, sed creaturam significat. Quintus. Greg. Nazianz. de Theol. loquens Orat. 5. de Spiritu S. ait: *nostri sapientes existimant illum parum Vim quandam & facultatem, partim Creaturam, partim Deum &c.*

**XIII. Error** istum abunde rejecimus supra Doctr. 1. quibus solum addimus D. Basilius testimoniū lib. 2. contra Eunom. ita se habet: *ne minem in hunc usq. diem audivimus, qui Spiritum Sanctum creaturam appellasset.* Et lib. 3. contra eundem, quomodo, inquit, non manifeste impietas est dicere, *Spiritu Sanctum esse Deitatis experientia.*

**XIV. Refpon.** ad 1. Spiritum Sanctum postulare pro nobis non formaliter, sed causaliter & esse & tunc, quatenus adjuvat infirmitatem nostram, sicut ait Apostolus ibidem, ut sciamus, quid nobis postulandum sit, & id postulemus, quemadmodum oportet. Hac etiam ratione dixit at Gal. 4. v. 5. *Misit Deus Spiritum Filij sui in corda nostra clamantem, Abba Pater;* scilicet quia excitat corda, ut id clament.

**XV. Ad** 2. cum Basilio lib. 5. contra Eunomium. Spiritum Sanctum in illo ipso vere Deo, qui est Pater & Filius, includi; unde Gregorius Nazianzenus Orat. 5. de Theol. Colamus, inquit, *Deum Patrem, Deum Filium, Deum Spiritum Sanctum* tres proprietates unam divinitatem nec gloriam nec honorem nec essentiam nec regno divisam. *Quisquis aliter sentit, nec Luciferum exorientem videat, ut cum Scriptura loquar,* nec celestis splendoris gloriam.

**XVI. Ad** 3. cum D. Athanas. in Epist. ad Serapionem, & alijs, Sermonem ibi est de vento, non de Spiritu Sancto; quippe fatendum, nomen Spiritus significare aliquando ventum, aerem, solem &c. sed hoc non impedit, quominus etiam Spiritum significet, ut advertit quoque ipse Gerhard. in sua Ilagoge fol. 313.

**XVII. Ad** 4. falsum esse, non reperi in veteri Testamento, & non significare Deum. Nam Genes. 1. v. 2. dicitur: *Spiritus Domini feratur super aquas*, ubi hebraica phrasis habet Elohim, id est, Spiritus Deorum; qui à Patre & Filio procedit. Isaiae cap. 11. v. 2. dicitur: *Spiritus Domini*, ubi secundum hebreos Tetragrammaton reperitur, & Adonai. Nec dici potest, Elohim non significare Deum; etenim Gen. 1. v. 1. ubi habetur, creavit Deus cœlum & terram, dicitur Elohim.

**XVIII. Ad** 5. à D. Greg. Nazianz. in cit. loco Sapientes nominari non Patres aliquos orthodoxos, & in in Ecclesia probatos, sed quoscumque Christianam fidem profiteentes, etiam hæretici sint; quemadmodum revera illi fuerunt, quorum aliquis hujusmodi de Spiritu Sancto opiniones refert. Videri potest Valentia Tom. 1. D. 2. Q. 1. punct. 1. §. 25. Ex dictis patet, Erasmus nec vere nec sobrie scripsisse, *veteres non ausos fuisse, Spiritum Sanctum appellare Deum.*

**XIX. Error** secundus est Græcorum, Spiritum Sanctum non procedere à Filio, sed à solo Patre. Propugnator hujus erroris post alios accerimus fuit Michael Cerularius Patriarcha Constantiopolitanus sub anno Christi 1054. adeo ut Constantini Monomachi Imperatoris favore fretus Leonem 1 X. Romanum Pontificem cum suis excommunicatum esse proclamare fuerit ausus, & sic error iste in Ecclesia Græca à quingentis amplius annis communis & aperto jam Schismate viguerit; ut videre est apud Baron. Anno Christi 857. Valentiam Q. 1. cit. punct. 2. Tanner. Tom. 1. D. 4. Q. 4. Dub. 5. Bellarmin. lib. 2. de Christo cap. 21. & alios. Nam licet Græci & hunc, & alios errores saepe damnarint, semper tamen, quæ hominum est inconstancia, ad vomitum redeentes illum receperunt, his maxime argumentis nixi.

**X. Primum:** **Sac.** Scriptura nunquam assertit, Spiritum S. à Filio procedere, sed proorsus contrarium insinuat, quod à solo Patre procedat; quia ejus solius mentionem facit Joan. 15. v. 26. *Mittam vobis à Patre spiritum veritatis, qui à Patre procedit.* Non suffragatur Adversarius Tò *mittam eum ad vos*; Joan. 16. v. 16. etenim alias Filius etiam procederet à Spiritu Sancto; quia Isa 48. v. 16. dicitur, *Dominus Deus misit me & Spiritus ejus:* item Tò *de meo accipiet.* ibidem v. 14. tum quia ibi loquitur tantum in futuro, tum quia ibi fit tantum mentio de Scientia.

**XI. Secundum.** In 4. Concilijs generalibus nulla penitus fit mentio de illa processione. Nam 1. In Niceno congregato contra Arium agitur solum contra istum negantem Christi Divinitatem sub Sylvestro Papa II. In 2. Constantinopolano tractatur contra Macedonium negantem divinitatem Spiritus Sancti sub Damaso Papa. 3. In Ephesino decernitur contra Nestorium afferentem duas in Christo esse personas sub Coelestino Papa. 4. In Chalcedonensi definitur contra Eutychen

chen & Diöscorum affirmantes in Christo esse unicam Naturam sub Leone III. Papa.

XXII. *Terrium.* Additio illa (*Filioque*) non habetur in Codicibus græcis. Deinde in 3. Concilio generali fuit prohibita. Insufer Leo 3. curavit, Symbolum Constantino inscribi in argentea lamine sine illa additione, quæ tamen ante annos ducentos erat facta. Unde demum Romani Pontifices de fraude suspecti fuerunt, quod Symbolo Niceno hæc verba iutruiserint: *qui ex Patre Filioque procedit.*

XXIII. *Quartum.* Græci Patres vel expresse negarunt Spiritum Sanctorum ex Filio procedere, ut Theodoretus, Theophylactus, Damascenus: vel aliter locuti dixerunt, Spiritum S. à Patre per Filium procedere; imo Photius affirmat, Ecclesiam Romanam etiam Occidentalem exceptis paucis non credidisse processionem Spiritus S. à Patre Filioque &c. Ieremias quoque Patriarcha Constantinopolitanus in Censura ad Confessionem Lutheranam scribit, quod à Synodo Nicena aliquique sequentibus definitum sit, Spiritum Sanctorum à solo Patre procedere.

XXIV. Errorum hunc præter illa, quæ supra attulimus, luculentur refutat & damnat pœna, quæ illum est infœcta. Nam postquam Græci Religionem in Concilio Florentino juramento firmatam hanc sine levitate mutarunt, atque iterum damnarunt, Machometus Rex Turcarum, Deo Græcis irascente, & ulciscente perfidiam eorum circa processionem Spiritus S. à Patre Filioque, Constantinopolis cepit in ipsis feriis Pentecostes, & Constantino XI. Imperatore (ut à Constantino ortum cum Constantino desiceret Imperium) interfecto ingentes Nobilitatis ac vulgi strages edidit. An. 1453.

XXV. Respon. ad 1. quamvis adducto Joan. loco nulla fiat mentio Filii, non tamen negari, sed alijs locis sufficienter indicari, ut oftensum. Unde ad illum locum bene August. lib. 3. contra Maximin. c. 14. scribit, *non dici, quia à Patre solo procedit, ad excludendum Filium; sed qui à Patre procedit, ad designandum Patrem esse fontem emanationum divinarum.* Addit Beda in Dömnicam Exaudi, *non dicere Filium, procedere Spiritum S. à se, sed à Patre;* quia illud prius jam exprefserat dicendo, *mittam eum ad vos,* quæ explanationem tanquam communem aliorum Sac. Scripturæ Interpretum assert Tirinus in locum cit. Atque hinc generalis illa Regula est ex Sac. Scriptura: quod omne, quod de una Persona in Sanctissima Trinitate dicitur, id etiam intelligatur de altera, nisi solùm in his, quæ unam personam in esse Personæ constituant, quale hoc est spiratio activa &c.

XXVI. Fundamentū nostrum ex Joan. 16. non infringitur instantijs allatis. Nam Isaiae 48. v. 16. innuitur solū missio Christi secundum Humanitatem ad Redemptionem generis humani à Patre, & Spiritu S. secundum interpretationem Patrum. Quando autem Joann. 16. cit. dicitur in futuro: *mittam eum*, non id sit per respectum ad Mittentem aut ad Missum; quia missio, ut sic, semper fuit, est, & erit, sed per respectum ad Apostolos, ad quos missurus erat. At verò Tò de meo accipiet, ponitur in futuro ad signandum, illam acceptionem esse æternam, & complectentem eminenter omnia tempora, atque ad ista accommodari posse, ut docet S. August. Tract. 91. in Joan. Licet autem mentio fi-

at solius scientiæ, tamen processio Spiritus S. à Filio rite infertur; si enim ille omnem veritatem accepit ab isto, non alio modo accepit, quā per suam processionem.

XXVII. Ad 2. In primis ab auctoritate negativa non valere consequentiam. Deinde à Concilio Niceno non fuisse aliquid definitum; quia nondum erat mota ulla controversia circa professionem Spiritus S.: At exortis Macedonianis & Arianis, qui Spiritum S. à solo filio procedere contendebant, primum Concilium Constantinopolitanum addidisse Symbolo Niceno, quæ ex Patre procedit. Postea subsecuto Græcorum errore, quasi Spiritus S. à solo Patre procederet, Ecclesiam adjunxit Filioque; quæ additio non fuit fraudulenta, quia non inseruit tanquam verba Niceni Concilij, sed tanquam ejus supplementum, idque jure suo, quod habet in universa Concilia, sicuti Princeps suorum Conciliorum Scriptis, quæcumque vult, adiungere potest; quo autem tempore, & à quo Pontifice illa additio facta fuerit, non constat; probabile est, non multò ante vel post annum 600. accidisse: Deinde in Concilio Constantinopolitanō III. approbatam & lectam fuisse epistolam Cyrilli ad Nestorium, in qua hæc verba continentur: *Spiritus appellatus est Veritas: & Veritas Christus est; unde ab ipso similiter, sicut à Patre procedit.* Item in VII. quod fuit Nicenum II. sub Adriano Papa lectum fuisse Nicenum cum hac additione, quæ ex Patre Filioque procedit.

XXVIII. Ad 3. Negari, quod non habeatur, quia Latini in Concilio Florentino Sess. 5. & 7. produxerunt antiquissimum exemplar, in quo erat illa additio. Quantumvis autem in illo 3. Concilio generali fuerit prohibitum, ne quid innovaretur circa Symbolum, hoc tamen solū concernit Autoritatem non habentes; Nunquid aliiquid additum fuit Symbolo Apostolorum in Symbolo Niceno, & Constantinopolitanō: & huic in Chaceldonensi? Leo III. curavit Symbolum Constantino inscribi in Latina argentea sine illa additione solū, ut remaneret Symbolum, sicut erat, & ut ei honor redderetur, ne Græci conteynni se à Latinis putarent.

XXIX. Ad 4. Quosdam ex PP. non esse curando, quia vel fuerunt tunc heretici, ut Theodoretus Episcopus Cyri, qui ab initio fuit Nestorianus, quamvis postea resipuerit: vel Schismatici; ut Theophylactus Archiepiscopus Bulgarorum, qui in Commentario ad Caput 3. Joannis reprehendit Latinos, quod credant Spiritum Sanctorum etiam procedere à Filio. Vide Bellarmin. de Scriptor. Ecclesiasticis. Cæteri explicari commode possunt; dum enim dixerunt, Spiritum S. procedere à Patre per Filium solū in huere volunt, Filium vim spirandi, hoc est, voluntatem amandi accepisse à Patre, & sic Spiritum S. duplii quasi modo à Patre procedere, uno immediate, altero mediate per Filium; quod enim quis per alium facit, per se ipsum facere censetur. Quæ ex Photio & Jeremiah Patriarch. Constantinop. adjecta fuerunt, apertissima sunt mendacia, & ex vano hausta, eodem recidunt. Videri potest S. Thomas in 1. P. Q. 36. Art. 3. Valent. loc. cit. Bernardinus Vetus in Speculo vere Ecclesiæ à fol. 137. & alij.

XXX. Solū obiter notarim, Lutheranos & Calvinistas turpiter impingere, dum Sectæ sue

amplitudinem & antiquitatem à Græcis Schismaticeis approbatam volunt. Tum quia Græci in præsenti puncto æquè à Sectarijs, ac Catholicis dissentunt. Tum quia ad summum ceperunt primùm circa annum Christi octingentesimum. Tum quia in plerisque alijs fidei articulis ijdem Græci consentiunt Catholicis, & Sectarios in numerum Sociorum ac Confratrum accipere nolunt.

## CONTROVERSIA X.

## AN CHRISTUS FUERIT VERUS HOMO?

**D**E Christo ait D. Paulus ad Philipp. 2. v. 6. & 7. Qui cum in forma Dei esset, non rapinam arbitratus est, esse se aqualem DEO, sed semetipsum exinanivit formam servi accipiens, in similitudinem hominum factus & habitu inventus ut homo, hoc est, figurâ & specie externâ fuit, ut quivis alius homo, cùm tamen esset singulariter Deus-Homo, inquit, Chrysost. & Theophylactus. Cum ergo de Divinitate Christi egemus, porro de ejus Humanitate agendum. An verus fuerit Homo: & an per omnia similis nobis?

## PARS PRIOR.

## DOCTRINAE CATHOLICORUM.

**I.** Doctrina prima. Christus verus est homo. Ita Fides Catholica ex innumeris Sac. Script. locis; inter quos est allatus Textus D. Pauli ad Philip. 2. Et quando Christus ipse in Evangelij passim se appellat *Filius hominis*, qui sane debet esse homo. Singulariter autem evincitur ex Missionibus Abraham, & Patribus à Deo factis, Messiam ex eorum semine nascitum, & Filium Virginis futurum. Hinc illud Deuteron. 8. v. 15. Prophetam de Gente tua, & de fratribus tuis, sicut me (Legislatorem scilicet) suscitabit tibi Dominus Deus tuus, ipsum audies: & Isaiae 7. v. 14. Ecce virgo concipiet, & pariet Filium, & vocabitur nomen ejus Emmanuel. Item ad Gal. 3. v. 16. Paulus vocat Christum semen Abraham. Et ad Rom. 1. v. 3. ait de eo: factus est ei ex semine David secundum carnem; quod tamen non sic intelligendum, quasi immediate conceptus sit ex semine David, vel Abraham, aut Filiorum triusque, sed mediatae, quatenus carnem accepit ex Virgine, que erat ex illorum semine. Eadem Fidei nostræ veritas speciatim declaratur in Symbolo D. Athanasij his verbis: Sed necessarium est ad eternam salutem, ut Incarnationem quoque Domini nostri JESU Christi fideliter credat. Est ergo fides recta, ut credamus & confiteamur, quia Dominus noster Jesus Christus Dei Filius Deus & homo est; Deus per substantiam Patris, ante secula genitus: & homo est ex substantia Matri, in seculo natus, perfectus Deus, perfectus homo ex anima rationali, & humana carne subsistens, &c. Quibus verbis ratio hujus veritatis assignatur. Quicunque

habet animam rationalem, & verum corpus humanum, est verus homo. Sed Christus habet animam rationalem, & corpus humanum. Ergo est verus homo.

**II.** In hoc discursu Major constat ex definitione hominis, cuius tota essentia in his duabus partibus inter se unitis consistit. Minor quoad corpus, patuit ad oculum intuentibus: quoad animam verò effectus docuit; quippe habuit Christus omnes operationes, quas anima rationalis in humano corpore habere solet, locutus est, ratiocinatus est, miratus est, &c. Rursus de Corpore suo ait Christus Lucæ 24. v. 2. Palpate & videte, quia spiritus Carnem & ossa non habet, sicut me videtis habere: de Anima vero Matth. 26. v. 38. tristis est anima mea usq[ue] ad mortem. Et Joan. 10. v. 15. animam meam pono pro ovibus meis. Advertendum verò quando Joan. 1. v. 14. dicitur: Verbum Caro factum est, non significari divinitatem Christi conversam in carnem, ut verba præseferunt, sed carhem juxta hebraicum idioma sumi pro toto homine, ut sensus sit: Verbum Caro factum est Homo non per transmutationem, sed unionem, sicut exprimit Athanasius in Symbolo: non conversione Divinitatis in Carnem, sed assumptione Humanitatis in Deum, ut ex sequentibus magis constabit.

**III.** Porro promissiones de Christo, quas diximus factas Abrahamo & Davidi jam re ipsa esse impletas, & Messiam de facto venisse, nominatim contra Judeos probant luculentus Theologii multis argumentis in 3. P. D. Thome. Praeclarum hujus testimonium, & quo passim utuntur SS. Patres, habetur Genef. 49. v. 10. ubi Jacob Patriarcha in benedictionibus Iudeæ vaticinatur: non auferetur Sceptrum de Juda, & dux de semore ejus, donec venias, qui mittendus es, & ipse erit expeditio Gentium; constat autem ex historicis manifeste, circa tempus adventus Christi ablatum fuisse ex integrō sceptrum de Juda, (quæ Tribus primò per Davidem accepérat principatum) & translatum in Herodem alienigenam, neque ullus tunc potest excogitari, quām Christus, quem nos agnoscimus. Dixi contra Judeos. Nam contra Gentiles nullam Scripturam tanquam Verbum Dei admittentes non potest aliter probari, quām reddendo eam veritatem evidenter credibilem per generalia fidei nostræ motiva, & nominatim per Christi aliquotmque miracula in Confirmationem hujus mysterij facta; uti Christus ipse innuit Joan. 10. v. 25. Opera, quæ ego facio in nomine Patris mei, hac testimonium perhibent de me; nempe tam apud eos, qui ea vident, quām qui ea audiunt, & fide saltem historicā percipiunt. Contra haereticos verò unicus ille Locus Joan. 1. v. 14. Et Verbum caro factum est, & habitavit in nobis, adeo clarus est pro ea veritate & Incarnationis existentia, ut superfluum sit, alia, quæ innumera sunt, testimonia referre.

**IV.** Doctrina secunda. Unio Verbi cum Humanitate facta est in Persona Verbi seu Supposito, ita ut licet duæ sint Naturæ in Christo, tamen una tantum sit Persona, propter unicam Subsistentiam, quæ utramque Naturam terminat. Ita omnes Catholicæ. Supponendum ex Philosophia, hominem componi ex octo partibus; Metaphysicis seu gradibus Entitativis inter se subordinatis; quorum quinque sunt essentiales, scilicet Ens, Substantia, Corpus vivens, Animal, Rationale: tres compleentes ac perficientes Essentiam.

I. Est